

MEMORANDUM

o uspostavljanju neutralne tačke za razmjenu Internet saobraćaja

BOSANSKOHERCEGOVAČKA NEUTRALNA TAČKA ZA RAZMJENU INTERNET SAOBRAĆAJA (BHNIX)

IZMEĐU

UNIVERZITETA U SARAJEVU

i

BH TELECOMA d. d.

LOGOSOFTA d. o. o.

TELEMACHA d. o. o.

Vođeni željom i potrebom za uspostavljanjem prve neutralne tačke za razmjenu Internet saobraćaja u Bosni i Hercegovini - BHNIX,

Spremni na efikasnu saradnju koja će doprinijeti razmjeni iskustava i znanja,

Potvrđujući zajedničko zalaganje i interes za unaprijeđivanjem saradnje u oblasti uspostavljanja prve neutralne tačke za razmjenu Internet saobraćaja u Bosni i Hercegovini,

1. **UNIVERZITET U SARAJEVU**, sa sjedištem u Sarajevu, Obala Kulina Bana 7/II, kojeg zastupa rektor prof. dr. Rifat Škrijelj,
2. **BH TELECOM d. d.**, sa sjedištem u Sarajevu, Franca Lehara broj 7, kojeg zastupa Mirsad Zaimović, generalni direktor,
3. **LOGOSOFT d. o. o.**, sa sjedištem u Sarajevu, Igmanska 9, kojeg zastupa Damir Dizdarević, direktor i
4. **TELEMACH d. o. o.**, sa sjedištem u Sarajevu, Džemala Bijedića 216, kojeg zastupa Admir Drinić, generalni direktor

u Sarajevu, 11. 4. 2018. godine, zaključuju

MEMORANDUM

o uspostavljanju neutralne tačke za razmjenu Internet saobraćaja

BOSANSKOHERCEGOVAČKA NEUTRALNA TAČKA ZA RAZMJENU INTERNET SAOBRAĆAJA (BHNIX)

Član 1.

(Svrha i oblast saradnje)

Univerzitet u Sarajevu putem svoje podorganizacione jedinice Univerzitetski tele-informatički centar UTIC i BH Telecom d. d., Logosoft d. o. o. i Telemach d. o. o. (dalje u tekstu: Strane potpisnice) uspostavljaju partnerski odnos za uspostavljanjem prve neutralne tačke za razmjenu Internet saobraćaja u Bosni i Hercegovini - BHNIX.

Uspostavom BHNIX-a poboljšava se efikasnost razmjene IP saobraćaja između lokalnih ISP-ova bez opterećenja trećih mreža što je veoma važno za bolji kvalitet, efikasan, racionalan i brz rast Internet servisa u Bosni i Hercegovini.

Član 2.

(Način ostvarivanja saradnje)

BHNIX u tehničkom smislu predstavlja jedinstvenu tačku u kojoj se povezuju komunikacijski kanali od i prema korisnicima BHNIX-a, čime se omogućava razmjena podataka između svih korisnika BHNIX-a.

BHNIX u organizacijskom smislu predstavlja neprofitnu uslugu Univerziteta u Sarajevu - Univerzitetskog tele-informatičkog centra UTIC, koja je u svojim pravima i obavezama u potpunosti izjednačena sa ostalim korisnicima BHNIX-a.

Pristupanje u BHNIX je otvoreno i poželjno za sve zainteresovane davaoce Internet usluga u Bosni i Hercegovini koji zadovoljavaju određene minimalne tehničke uslove, a koji će biti definisani posebnim dokumentom.

Član 3.

(Koordinatori aktivnosti)

Strane potpisnice, svaka u svojoj instituciji, određuju koordinatora za realizaciju pojedinih aktivnosti predviđenih Memorandumom.

Član 4.

(Primjerci Memoranduma)

Memorandum stupa na snagu i primjenjuje se od dana kada je potpisan od Strana potpisnica, a sačinjen je u 4 (četiri) istovjetna primjerka, od kojih svaka Strana potpisnica zadržava po jedan (1) primjerak.

Za UNIVERZITET U SARAJEVU



Prof. dr. Rifat Škrijelj, rektor
0101-2296/18


Za BH TELECOM d. d.

no

Mirsad Zaimović, generalni direktor
Bros 01-19-966/18
26-04-2018


Za Logosoft d.o.o.



Damir Dizdarević, direktor


Za Telemach d. o. o.



Admir Drinić, generalni direktor


LOGOSOFT d.o.o.
Br. prot. 1410
Datum: 26-04-2018 god.

Telemach d.o.o.
Sarajevo
Broj: 1550
Datum: 26. 2018 god.